

# *MBEU HAINGAZOGARI NHAKA*

## *PAMWE CHETE NE MAKWANDE*

 Ndatenda zvikuru, Hama Demos. Uye zvino tine mufaro kuva pano mangwanani ano, uye kunzwa zvapupu zvakanaka izvi kubva kuvanhu vakanaka ava, uye ndinovimba kuti Mwari acharamba anesu nokutirofadza.

<sup>2</sup> Zvino, manheru ano, ndinonzvisisa kuti ndichataura manheru ano, kana Ishe atendera. Uye ndakumbira Hama Shakarian, nguva shoma yapfuura, ndati, “Zvino, musanzwa kunyara. Ndinoziva kuti takafanira kubuda muno nenguva dza eleven o’clock uye ndi—ndinokanganwa kuti inguvai kana ndamira pano.”

<sup>3</sup> Zvinoratidzika sokunge tose tinodaro. Tinonzwa . . . Vanoti, “Maminitsi maviri, maminitsi matatu, kana . . .” Hama Smith, munozviziva, zvakaoma kuzviita mumaminitsi maviri kana matatu. Uye ndinoziva zvazviri, uye ndinonzwira urombo mumwe nomumwe. Asi tiri muzera renguva, ndimo matiri. Tiri kuenda kuna Zienda-nakuenda, asi zvino tiri muzera renguva.

<sup>4</sup> Uye ndati, “Hama Demos, kana nguva yava kuda kukwana, musanzwa kunyara, dhonzai bhachi rangu zvino ndinobva ndaziva kuti yakwana nguva yekupedza.” Zvino, kana ndikasapedza, ndinozopedzisa nhasi manheru. Saka kana ndikapedza, zvakanaka, ndine imwe nyaya itsva yanhasi manheru.

<sup>5</sup> Zvino tisati tavrura Bhuku, regai titaire ne Munyori, misoro yedu yakakotamiswa.

<sup>6</sup> Baba vanodikanwa vari kuDenga, tinokutendai Imi mangwanani ano nokuungana uku, nezvatatonzwa kare. Kana tichifanira kukumikidza chiropafadzo iye zvino, Ishe, tinonzwa kuti zvanga zvakanaka kuti tive pano. Nokudaro ndinonamata kuti Muenderere mberi, kana zvakanaka mumeso eNyU, uye kuenderera mberi muinesu nokutibatsira. Zvino taunganira Shoko. Sokuungana kwataita mukuyanana mumwe kuno mumwe, tichinzwa zvapupu zvezva Makatiitira, zvino regai tidzokere Mushoko uye tione kuti zvose izvi zvinobva kupi. Zvino, izvi ndizvo zvinosimbisa zvatiri kunzwa nokuona, zvichiitika nhasi. Itai zvinhu izvi muZita ra Jesu Kristu. Ameni.

<sup>7</sup> Zvino, so—somuranda waKe, ndi—ndine mungava kuMharidzo. Uye nguva zhinji ndakatadza kunzwisiswa kwazvo, munguva dzapfuura, zvichida zvichagara zvakadaro. Asi handitaure zvinhu dzimwe nguva kuti—kuti ndisiyanе navamwe, ndinozvituraura kuti nditendeke. Uye ndinoda kutaura

zvandinofunga kuti ndizvo zvakarurama. Munhu wose a—ane mvumo kuzvinhu izvi, kutaridza mafungiro ake. Ndicho chikonzero ndiri pakati penyu.

<sup>8</sup> Uye Hama Shakarian, vachitaura pamusoro pamakadhi okunamatira vanorwara mumitsara yokunamatira, kuti tione izvo Mweya Mutsvene...Zvino, havana kutaura izvi pamusoro pangu. Zviri pamusoro peMweya Mutsvene, nokuti handikwanisi kuita zvinhu izvozvo. Chero ani anoziva, kuti handizvigli. Asi—asi izvi zvidiki, zvamunoona pano. Dai mukambova kune dzimwe nzvimbo, uye moona kuti Anofanovizvisa kuti zvinhu zvichaitika sei! Uye ini...zvinhu zvinoitika, izvi, zvinongova...imi, ndimi munozviita. Ndimi munotenda Mwari.

<sup>9</sup> Uye—uye kana usingatendi muna Mwari, rangarirai kuti, Anokutaurira kudaro, kubva pano papuratifomu. Uye kana uri muchivi, Anokuudza kudaro. Uye nezvinhu zwawakaita, nezwawaisafanira kuita, Anokuudza kudaro. Hazvigumiri chete pane zvavanoisa pakadhi rokunamatirwa. Vangaisa pakadhi rokunamatirwa ravo...Havangaisi, ipapo, kuti ndiri “mutadzi,” uye kuti mudzimai uyu anga “achigara nomurume asiri wake,” kana zvakadaro. Uye havaisi zvakadaro pakadhi rokunamatirwa, asi Mweya Mutsvene unozungiona zvakadaro, maona. Maona? Uye nokudaro zviripo zvino (sei) mu—muchikamu chomweya, shamwari.

<sup>10</sup> Ndinotaura izvi nokuremekedza. Nokuti, hatina kuwanda pano mangwanani ano, tinongova boka diki. Zvinondikatyamadza, kusvikira ndinodedera, ndinongonzwa kuda kudanidzira dzimwe nguva. Uye kana ndakagara pasi, mugomo, umo mandinopedza nguva yakareba ndiri, ndichigamuchira kubva kuna Mwari, ndozouya ndopa vanhu zvaanenge Andipa. Zvino ha—handidi kupesana navanhu. Asi zvino, kuti nditendeke, ndinofanira kutendeka kuna Mwari, maona, ku—kuMharidzo.

<sup>11</sup> Zvino tiri kugadzirira, kana Ishe atendera, kuenda izvozvi parwendo mhiri kwamakungwa, mumazuva mashoma anotevera, uye kana kuri kuda kwaShe. Ndinokumbirisza zvikuru minamato yenu.

<sup>12</sup> Makanaka zvikuru imi! Ndkatanga kutaura, ndinokanganwa zvachose pamusoro penguva, sezvatinoita tose. Asi kwamuri Hama Shakarian, navaparidzi Bakanaka ava vari pano papuratifomu, navari kunze uko, mose imi shamwari dzajesu Kristu, ndinokukwazisai muZita raKe; seha—hama yenu yapedyo, nokuda kwomuchinjikwa, kuna Mwari, tiri hama nehanzvadzi.

<sup>13</sup> Ndinoda kuvhura, mangwanani ano, muGwaro, riri muBhuku ravaGaratia, kana Ishe achida. Ndinoda kuverenga Gwaro.

<sup>14</sup> Zvino, manheru apfuura, tichinzwa shoko rakapiwa nehamma yedu mushumiri ari pano papuratifomu, akataura nendimi. Bredesen, Hama Bredesen, murume akanaka kwazvo. Ini . . .

<sup>15</sup> Ndichiona izvi nokusadzidza nefundo yangu, nokutadza kwangu kunzwisia nemashoko, asi ndichiziva kuti Mharidzo ndeyechokwadi, nokuonazve varume sevakanga vari muboka manheru aya, vakamira ipapo, vanokwanisa kusangana nevananyanjere. Vangatadza kuita zvandakadanirwa naShe kuti ndiite. Handikwanisi kuita zvavakadanirwa naShe kuti vaite. Asi tichishanda pamwe tose, ndine chokwadi chokuti tinogona kuti Mharidzo ifambe, kana tikangogara tiri pamberi paMwari.

<sup>16</sup> Uye paakapa cha—chapupu pano husiku hwapfuura. Zvino Mweya Mutsvene wakataura nendimi, uye, mumwe munhu muungano, ndinogara ndichiremekedza izvi. Nokuti, ndinonzwisia, neBhaibheri, kuti Mweya waMwari uri kutiunzira chimwe chinhu. Uye akati, akataura pamusoro pemvura yokupedzisira, mvura yokutanga neyokupedzisira. Uye izvi zvinondisvitsa pane imwe pfungwa.

<sup>17</sup> Yokuti hama Bonham vandipa kapasuru kane machekei, vakati, “Uyu mupiro werudo we . . . kubva kuvanhu.” Zvino, ivo—ivo, vanga vasingafaniri kudaro. Maona, handina kuuya pano nokuda kwaizvozvo. Asi ini . . . ivo, vandipa, uye, zvakadaro, panoita . . . hapana nzira yokuudzoserazve. Zvino ndichaautor, kana Ishe achida, ndoushandisa pane zvichada kuzobhadharwa, kuenda mhiri kwemakungwa. Nokuti, handina anondibhadharira, kwandinoenda, handina.

<sup>18</sup> Zviri kuitwa pakavanda, nokuti machechi haandigamuchiri. Zvino ndiri kuenda somuvhimi, nokuti ndezvaShe wangu. Ishe vakazviisa pamwoyo wangu kuti ndizviite, saka ndichaenda muchivande. Maona? Saka vane mamwe mafungire avo ikoko, okuti mumwe nomumwe wavo anoda kuti ndisaine kadhi, rokuti ndinobvumirana namatendero avo, uye ndoti rimwe boka *iri* rakatsauka, uye boka *iri* rinondigamuchira kana ndikati boka *iro* rakatsveyama. Maona? Asi handidi izvozvo. Maona, tiri . . .

<sup>19</sup> Ndakagara ndichiedza kuyananisa vanhu, zvisinei namasangano nokupesana kwavo, ndotaura sezvanga zvichitaurwa neMweya waMwari muhama pano mangwanani ano, kuti hatisi sangano. Tiri vana vemhuri imwe. Zvino, hakuna sangano raBranham. Kune mhuri yaBranham, zvino tose hatijoinhi mhuri iyi, tinoberekwa mumhuri iyi. Zvino nokudaro, ini, ndizvo zvandiri kuedza kumiririra, no—nokukwanisa kwose kwandinoziva.

<sup>20</sup> Zvino muna vaGaratia 4:27–31, ndinotenda ndamaka pano, ndinoda kuverenga izvi somusoro wenyaya.

*Nokuti kwakanyorwa kuchinzi, Fara, iwe usingaberekwi usingazvari; pururudza udanidzire, iwe*

*usingatamburi nokubereka: Nokuti musiyiwa ane... vana vazhinji kudarika vaiye unomurume.*

*Zvino isu, hama dzangu, muri vana vokupikirwa, saIsaka.*

*Asi sapanguva iyo uyo wakaberekwa nenzira yenyama wakatambudza wakaberekwa nenzira yoMweya, naizvozvo zvakadarovo nazvino.*

*Asi rugwaro runotiiiko? Dzinga murandakadzi nomwanakomana wake: nokuti mwanakomana wemurandakadzi haangadyi nhaka pamwe chete nomwanakomana wowakasununguka.*

*Saka zvino, hama dzangu, hatizi vana vomurandakadzi, asi vowakasununguka.*

Ishe apamhidzire maropafadzo aKe zvino kuShoko raKe rinokosha.

<sup>21</sup> Ndine zvishoma, manheru apfuura ndakanyora zvinhu zvishoma; uye ndaisiti, kana ndiine musangano mumwe pavhiki, kumwe, ndai—ndaikwanisa kurangarira Magwaro aya chaizvo mupfungwa dzangu. Asi zvino mushure mokunge nda... Zvino, ndichitaura nenzira inoti sekesei, handisiri kuti ndava kuita zvokusetsa pano papurupiti. Asi mushure mokupfuura makore makumi maviri nemashanu, kechipiri, handicharangariri sezvandaismboita. Pane zvakawanda zve... Motokari yakare iyi ford yakafamba mamaira mazhinji, nokudaro handichazvirangariri. Asi kana ndichiri kugona kufamba, ndinoda kuti chose chandinoita chipe mbiri kuna Iye Akandiponesa.

<sup>22</sup> Zvino ini, ndichiona izvi mangwanani ano, ndichicherechedza... Zvichida izvi zvinoita sezvinokatyamadza, uye dzimwe nguva kumunhu wepfungwa zvinoita sezvakavhiringika, asi zvose zvinotsigira chandakadanirwa. Kunyange chinhu chidiki sei chiratidzo kwandiri. NdinoChitarira, ndoona kuti Chinofamba sei. Ndiyo nzira yandinowana nayo mharidzo dzangu dzimwe nguva, kutarira Mweya nokuona nzira yaunofamba nayo, ndoona kuti *uyu unotii, nouyo unoti chii.*

<sup>23</sup> Makandicherechedza, kazhinji, ndisati ndaita shumiro yokunamatira vanorwara, ndakamira papurupiti, kana ndakagara pasi, ndichitarisa. Ndiri kuteerera Mweya, mafambre waWo, ndobva ndatofanoziva kuti chii chinotambudza munhu akagara apo. Maona? Kuzviona, kuzviona *kuno*, maona, unoZvibata usati waenda papurupiti.

<sup>24</sup> Dzimwe nguva ndisati ndauya kumusangano, dzimwe nguva, ndisati ndauya sokuno kuCalifornia, ndakagara pasi naavo vanoti pamwe chete neni, vanoti, “Pachava nechinhu chichaitika, *ichi* chichaitika pano, *ichi* chichaitika zasi kuno,

chichafamba nenzira *iyi*,” maona, nokuti zviri muMweya waMwari. Iye ndiye... Anoziva zvinhu zvose kubva pakutanga, maona, uye zvino Iye ndiye Oga woKusingaperi.

<sup>25</sup> Zvino ndaona, mangwanani ano, Hama Jewel Rose, shamwari inokosha kwazvo nehama kwatiri tose, kuti asimuka akaverenga Mapisarema. Tarisai kuti izvi zvakabatana sei, sezvaatura, “Ndinoda kuona kuti imbeu rudzii iri mamuri.” Manheru apfuura, Mweya wakataura ukati, pamusoro, “Pemvura yokupedzisira, mvura yokutanga neyokupedzisira, yose ichidururwa mumazuva okupedzisira.” Zvino mangwanani ano, “Mbeu iri mamuri.” Maona, Mweya uchitaura, tarirai kuti Waita sei nomuvaparidzi ava, navamwe, mangwanani ano. Nokudaro ndave kutora musoro wenyaya uyu: *Mbeu Haingazogari Nhaka Pamwe Chete NeMakwande*.

<sup>26</sup> Uyu musoro wenyaya unoshamisa kwazvo, asi, *Mbeu Haingazogari Nhaka Pamwe Chete NeMakwande*. Uye ndichitora, zvandichataura pane izvi, kana musoro wenyaya yangu, waro, kubva muvaGaratia 4:27, nhatu, Pauro pano ari kutaura pamusoro pembeu mbiri chaidzo dzevanakomana vaAbrahama. Zvino, izvi, ndinoda kuti ndizvishandise kuti musazvipotsa. Zvino kana ndikapfuirira nguva, ndichaparidzazve manheru ano. Uye ndinoda kudzidzisa, sedzidziso yeSunday school, kuitira kuti imi, ndinotenda, mugozova nokunzwisia kwakanaka.

<sup>27</sup> Zvino, vamwe venyu imi varume vano—vanogona kuita izvi kudarika zvandinoita, nei... handisi muddidzi webhaibheri, zvachose. Nokudaro mukapesana neni pane Izvi, ingoitai samanzwire andakaita manheru apfuura apo hanzvadzi inodikanwa pano yakandibikira cherry pie. Ndakagara pa—pa... mukamuri yangu muhotera mangwanani ano, nda—ndaruma mhodzi, asi ndinoramba ndichidya pie. Ndangobvisa mhodzi, maona. Nokudaro, izvo, zvamusingatendi paZviri, ingobvisai, maona, mongoenderera mberi muchidya zvamunofunga kuti zvakanaka.

<sup>28</sup> Zvino, Pauro ari kutaura pamusoro pavanakomana vaviri vaAbrahama, vanova, mumwe akaberekwa naSara uye mumwe naHagari. Zvino tinoona pano, uye tinozvinzwisia kubudikidza neMagwaro, kuti Mwari haamiririrwi muhuviri. Asi muhutatu. Nguva yose muhutatu, ndimo munokwaniswa Mwari.

<sup>29</sup> Samhu dzeBhaibheri dzakakwana. Mwari anokwaniswa muhutatu, achinamatwa muhunomwe, nezvakadaro. Maona, nokudaro ti—tinoona kuti samhu dzeBhaibheri hadzikundiki.

<sup>30</sup> Zvino pano tine vanakomana vaviri vaAbrahama, asizve tinokwanisa kuva vagari venhaka chete kana tiri mumwe wevanakomana ava, kana mumwe mwanakomana waAbrahama. “Nokuti isu takafa muna Kristu, tinova mbeu dzaAbrahama,

uye tova vadyi venhaka pamwe naYe maererano nevimbiso,” nokudaro Abrahama anofanira kuva nomumwe Mwanakomana.

<sup>31</sup> Zvino, tinoziva kuti mwanakomana wake wokutanga akamuita naHagari, uye tinoona kuti mwanakomana wake wechipiri akamuita na—akamuita naSara. Asi akava neMwanakomana wechitatu, anova Jesu. Zvino, zvinogona kuita sezvingashamisa, asi ndizvo zvaticaedza kujekesa. Sezvandataura, Mwari anoZviratidza, nguva dzose mukukwana, muhutatu. Uye ndazvijekesa pamberi pavose zvino, kunyanya kune venyu vadzi—...vadzidzi veBhaibheri, kuti zvinhu izvi zviri semaonero andinoZviita nawo, nzira yaZvinouya nayo kwandiri.

<sup>32</sup> Sapakutanga, Mwari, Mwari aigara ogar, nokuti aiva iYe woKusingaperi, maona, akanga asati Ava Mwari. *Mwari* “chinhu chinonamatwa.” Uye Mutumbi weChiedza weShoko, sokudana kwatinoUita, Shoko rakabva muna Mwari, Iro, ani nani anoziva kuti Iyi yaiva Ngirozi yaShe, kana Shoko raIshe, rakatevera vana vaIsraeri murenje; Ngirozi yeSungano, Mutumbi weChiedza weShoko wakabva muna Mwari. Zvino Mutumbi weChiedza weShoko wakaitwa nyama ukagara pakati pedu. Zvino tiri muna Mutsvene Johane 1, “Pakutanga kwaiva neShoko, Shoko rakange riri kuna Mwari, uye Shoko rakange riri Mwari.” Zvino, zvaAkapa upenyu hwaKe nokuda kwedu, nokudaro Mweya waKe unodzoka pamusoro pedu. Jesu akati, “Nezuva iro muchaziva kuti Ini ndiri muna Baba, Baba vari maNdiri; Ini mamuri, uye imi maNdiri.”

<sup>33</sup> Maona, NdiMwari, nguva yose, Mwari Achizviratidza, achiZvishanda mumazera akasiyana. Nokudaro hutatu uhwu, hunoti, Baba, Mwanakomana, noMweya Mutsvene, ndiMwari mumwe chete achishanda muhunhu hutatu. Zvino isu nhasi tiri vamwe, Chechi paChayo, chikamu chokufunga kwaMwari kubva nyika isati yavambwa, kuva ne—neChechi. Nokudaro avo vari muna Kristu vakange vari muna Kristu pakutanga, ndidzo dzaiva pfungwa dzaKe, uye pfungwa dzaKe ndihwo hunhu hwaKe.

<sup>34</sup> Apa ndipo panotangira mbeu, muvimbiso. Zvino pano Abrahama akapokana zvishoma, paakaita Ishmaeri. Uye ndinoda kukuratidzai zvinhanho zvitatu zvacho, zveMbeu iyi yatichataura nezvayo, isingagari nhaka nemakwande. Zvino tinoona kuti, pakutanga pano, kuti Mwari akapa Abrahama vimbiso.

<sup>35</sup> Akapa Adhama vimbiso, kutanga. Uye yakanga, kana kuti, sungano yaiva nezvirango. “Kana ukasaita *izvi*. Kana ukaita *Izvi*.”

<sup>36</sup> Asi paAkaipa kuna Abrahama, yakanga isina zvirango, “Ndakatozviita kare.” Haana...ZvaAkaita, pakanga pasina zvirango, paAkaipa kuna Abrahama. Zvino, nemairi, Abrahama

akagamuchira vimbiso, nokudaro tinofanira kuva Mbeu yaAbrahama. “Yakanga isiri kuna Abrahama chete, asi nokuMbeu yake yaizotevera.” Zvino mukacherechedza, kwete “mbeu” dzaizotevera, asi “Mbeu” yaizotevera.

<sup>37</sup> Zvino tinoona kuti vimbiso, yakapokanwa zvishoma naSara, uye Sara akaudza Abrahama kuti atore Hagari uyu, muEgipita, mukadzi wechidiki, kuti ave mukadzi wake, ive nzira Mwari aizomutsa nayo mbeu yevimbiso.

<sup>38</sup> Zvino, munoono, kubva pane zvandakataura manheru apfuura, kufamba kunosiya hurongwa hwaMwari hwapakutanga kunokanganisa mamiriro ezvinhu zvose. Hatigoni kubva paShoko rapakutanga. Rine...Takataura nezvaro manheru apfuura, kana manheru emarimwezuro, ndingadaro, pamusoro paBharami. Akapiwa mhinduro yaMwari, yakananga uye yakajeka, “Usaenda!” Asi Ane kuda kwake kwokuregedzera. Zvino unogona kufamba makuri kana uchida, uye Mwari agoita kuti zvigoMuremekedza, asi zvakadaro hakusi kuda kwaMwari kwakakwana. Zvino ndizvo zvatinofanira kushingairira, kuda kwaKe kwakakwana, kwete kuda kwaKe kwokuregedzera. Humambo hwaMwari, hwaAka...huri panyika nhasi, huno...haugoni kumira, zvakarurama, pakuda kwokuregedzera. Hunofanira kuuya mukuda kwaKe kwakakwana.

<sup>39</sup> Zvino tinoona pano kuti Sara, mushure mokunge Mwari ataurira Abrahama kuti mwana achaberekwa naSara, acharopafadza nyika, zvino Sara akazvipokana. Ndinoda kuti muzvicherechedze, hazvina kubva kuna Abrahama; asi kuna Sara, munhukadzi. Zvino akazvipokana, ndokuti, “Tora Hagari.” Zvino Abrahama akanga asingadi kuzviita, asi Mwari akamuudza kuti azviite zvakadaro. Nokudaro akazviita, akapokana zvishoma. Zvino, Isaka, ariye akasununguka achibva kumukadzi wevimbiso, haaignona kuva mudyi wenhaka pamwe naIshmaeri, womurandakadzi, mukupokana.

<sup>40</sup> Ndizvo zvaietzwa kutaurwa naPauro pano. Maona, panopokanwa chinhu chimwe, zvinobereka chimwe chinhu chaMwari, humwe hurongwa hwaMwari, asi hazvizogari nhaka pamwe nehurstongwa hwapakutanga hwaMwari. Manzwisisa here? Maona, hazvikwanisi kugara nhaka.

<sup>41</sup> Zvino ndicho chikonzero ndakasimba nhasi. Uye ndafunga kuti ino ndiyo nguva yakanaka, nokuti handizivi kuti ndichava nemi nguva yakareba zvakadini, uye, pamwe ndingakwanisa, neimwe nzira Mwari akandibatsira kukuratidzai chikonzero chinoita kuti ndirambe zvakasimba manamatire akarongwa. Maona? Maona, hazvigoni kudy a nhaka nohurstongwa hwaMwari hwapakutanga, nokuti masangano haasi aMwari. Ndaavanhu. Chechi yakatanga kuita sangano, panyika yose, ichechi yeRoma Katorike paNicaea, kuRoma. Zvakazarurwa 17, yakati, “Yaive

mhombwe, uye vanasikana vayo vose vaive zvipfeve.” Zvino mhombwe mukadzi asingararame zvakatendeka kumurume wake, uye zvimechetezvo nechipfeve. Asi, munona, yakaita chechi, zvakadaro. Hurongwa hwesangano hwunoparadzanisa hama. Takaedza kubatanidza machechi ose pamwe chete. Hazvishandi; hazvina kumboshanda. Hazvimbodaro (zvachose) hazvishandi. Mubatanidzwa wamaChechi aPasi pose, unongova...uri kunze kwehurongwa hwaMwari.

<sup>42</sup> Zvino unoti, “Ndiwe ani, munhuwo zvake amire apo asina nedzidzo yose?” Hazvina mutsauko, kuti pane dzidzo yakadini. Haisi dzidzo yangu yandiri kuedza kutaura nezvayo.

<sup>43</sup> Ishoko raMwari randiri kutaura nezvaro, maona. Uye kutsigira uku kwamunoona mushumiro, handisi ini, ndiMwari ari kuedza kuzviunza kwamuri, kuti ichi iChokwadi. Mwari angava nechokuita nenhema here? Zvino handingadi chose, kushumira Mwari anoropafadza nhema. IChokwadi chaAnoropafadza, iChokwadi chaAkaremekedza.

<sup>44</sup> Zvino, Ishmaeri haaignona kugara nhaka pamwe naIsaka, nokuti mumwe wavo chiberekoo chokupokana zvishoma, kungopokana zvishoma. Akanga ari mwana, aiva mbeu yaAbrahama zvakadaro, asi kwete nenzira yaMwari yakakwana; Ishmaeri. Zvino ndingapedza nguva yakareba apa, asi ndinovimba kuti Mweya Mutsvene uchakupai izvi nenzira chaiyo yazvinofanira kuva. Zvino kana vaka . . .

<sup>45</sup> Kana Ishmaeri naIsaka vakatadza kugara nhaka pamwe chete nokuti hurongwa hwaMwari hwapakutanga hwakanga hwashandurwa kuva—kuva hurongwa hwaMwari hwokuregedzera, nzira yokuregedzera yakaropafadzwia naMwari, nokudaro Chechi yapamweya nhasi haingagari nhaka namasangano. Masangano, Mwari akaaropafadza, sezvaAkaita Ishmaeri, asi voMweya havagari nhaka naava. Ndizvo. Pachava, nokubuda muchechi dzemasangano (inodanwa kunzi chechi, chechi yapanyama), muchabuda Mwenga waKristu, Wakasanangurwa.

<sup>46</sup> Zvino ipapo, chinondinetsa panguva ino, kuziva kuti tinoona masangano ose aya ari kupinda mune zvatinoziva kuti i...zvamunodaidza kuti mvura yokupedzisira, kana, kudururwa kweMweya. Munocherechedza here kuti Jesu akataura, kuti, “Kana izvi zvaitika, ndiwo achava magumo”? Apo, mhandara benzi nemhandara yakachenjera vasiri kugara nhaka pamwe chete. Nokuti apo...Mhandara benzi, yaiva mhandara, yaingova isina Mafuta chete. Asi paakauya kuzotenga Mafuta, ndiyo nguva yakauya Chikomba. Zvino ndipo paakasara kunze, paaiedza kutenga Mafuta. Manzwisia here? [Ungano inoti, “Ameni.”—Mupepeti.] Ndinoda kuti zvinyatsosinina, zvakanaka. Zvino, zvirokwazvo handisi

kuzopfuirira nechidzidzo ichi. Zvino, kanawo weMweya newepanyama havangagari nhaka pamwe chete.

<sup>47</sup> Ndicho chikonzero Kubvutwa, Mwenga, mhandara yakachenjera, vakadanwa, vakafanotemerwa, vakasanangurwa! Ko, imi vamabhizimisi hamungaiti basa renyu muhofisi yenuy zvakafanana nezvinoedza kufungwa nevamwe vanhu kuti Mwari anofambisa hurongwa hwaKe, zvakavhiringika. Mwari aiziva, nyika isati yavapo, kuti ndiani aizoponeswa uye ndiani asingazoponiswi. Nokufanotemera, nokufanoziva, Akaona nhengo imwe neimwe, ndokuisa zita rose muBhuku reUpenyu reGwayana, Chechi isati yambotanga. Jesu akauya kuzotsvaga nokuponesa avo vaiva muBhuku iroro. Akatenga Bhuku roKudzikinura. Rakanga rarashika, uye Iye Akatidzikanura, namazita ose aiva muBhuku iroro akadzikanurwa paAkatidzikanura.

<sup>48</sup> Zvino, sezvandakataura nguva dzakawanda, munocherechedza izvozvo. Ndicho chikonzero muri pano mangwanani ano, ndicho chikonzero muri kubuda mumasangano ose aya nezvime. Muri... Pane chimwe Chinhu chiri kukudhonza. Sepfungwa yangu diki, yechapungu chidiki chakachochonywa nehuku, maona, mu—munoona kuti pane chimwe chakasiyana. Che—chechi yakanga isina chinhu chi—chinogutsa. Asi, imi, makanzwa chimwe chinhu chakadanidzira, mukachiziva kuti, kuti makaberekerwa Ichcho. Muri chikamu chaCho. Imi, imi munokwana maChiri, segirovhosi muruoko. Uye ndicho chikonzero takaungana pano mangwanani ano, pamusana pokuti, sezvaisitaura amai vangu vanobva kunyika yekuchamhembe, “shiri dzakafanana dzinofamba pamwe chete,” nokuti mune zvamunowirirana.

<sup>49</sup> Magora nenjiva hazvipindirani. Kudya kwazvo kwakasiyana, kunyange hazvo njiva ichigona kuchochonywa negora. Ndizvozvo. Zviri maererano nokuti chaiva chii, pakutanga. Zvino, pane izvi, kunyangwe, nji—njiva ikarerwa kwakanguva naro, negora iri, asi kumagumo inowana imwe yayo.

<sup>50</sup> Ndizvo zviri kuita Chechi nhasi, nokuti Jesu iShoko uye ndiYe Chikomba, uye Mwenga inhengo yeChikomba. Naizvozvo Shoko rinofanira kuzadziswa zuva rino chikamu cheShoko rakazadziswa muzuva raKe, uye iShoko rimwe chete, chiiitiko chimwe, Upenyu humwe chete.

<sup>51</sup> Nokuti, Mwari paakapatsanura Adhama, aiva zvose. Tinoona kuti, Adhama aiva mweya, pakutanga. “Akasika munhu nomufananidzo waKe Amene, Akavasika murume nomukadzi.” Zvakare, Genesi 2 zvichienda mberi, Akasika munhu mu...kubva muguruva renyika. Munhu akasikwa mumufananidzo waMwari (Mwari Mweya), nokudaro munhu ndowomweya. Zvino paakazova munhu wenyama, nyama

yemhuka panyika, Ari—Ari kuratidza, kufananidzira Mwenga pano. Haana kumbotora chimwe chinhu kuti agadzire mumwe munhu, asi Akatora nhengo yaAdhama, chisikwa chapakutanga, akatora kubva paari, mbabvu kubva parutivi rwake; ndokubvisa mweya wechidzimai kubva muna Adhama, ndokusya mweya wechirume imomo, wechidzimai akauisa mumudzimai. Nokudaro, chikamu chomweya wake, chikamu chomuviri wake; nyama yenyama yake, pfupa repfupa rake; Shoko reShoko raKe, Upenyu hwoUpenyu hwaKe, zvino ndizvo zvakaita Mwenga kuna Kristu!

<sup>52</sup> Ndicho chikonzero Kubvutwa kweMbeu yohumambo kuchifanira kutanga kwaitika. Uye vamwe vakafa vose havamuki kusvikira churu chamakore chapera, ipapo vachaunzwa pamberi peChigaro Chichena Chokutonga. Maona, hapana kutongwa kuMbeu yohumambo, kana Mbeu yaAbrahama yakatemerwa. Zvino kana mukatora Johane 5:24, terera izvi, “Uyo anonzwa Shoko raNgu, uye akatenda kune Uyo wakaNdituma, ano Upenyu husingaperi.”

<sup>53</sup> Zvino izvi zvinosiyana zvakadini nezvevadzidzi vedu vebhaibheri? Zvino ndinogona kuenda ndoti kuchidhakwa, “Unotenda here?” “Zvechokwadi!” Murume atora mudzimai wemumwe murume, “Unotenda here?” “Zvechokwadi!” “Wakanga uri mumusangano here manheru apfuura, kuti unzwe Shoko?” “Zvechokwadi!” “UnoRitenda here?” “Zvechokwadi!” Ari kungotaura chete.

<sup>54</sup> Asi dudziro yapakutanga yeShoko iri, “uyo unonzwisia Shoko raNgu, uye akatenda Uyo wakaNdituma.” “Uyo unonzwisia,” ndiko kuti, uyo anoRiziviswa.

<sup>55</sup> Jesu akati, “Hapana munhu anokwanisa kuuya kwaNdiri kusiya kwokunge Baba vaNgu vamudana. Uye vose vaNdakapiwa naBaba vaNgu, vachauya. Makwai aNgu, njiva dzaNgu, dzinonzwa Inzwi raNgu. Mutorwa hadziteveri.” Zvino Inzwi raMwari chii? Ishoko raMwari. Inzwi romunhu chii kusiya kweshoko rake? Ishoko raMwari; vachanzwa Shoko raMwari.

<sup>56</sup> Mbeu yapanyama nokudaro yaingotakura bedzi, nemuna Ishmaeri kutanga, Isaka wechipiri, zvozodzika zvakadaro kusvika kuMbeu. Sezvakangoita gunde, muchekechera, nemakwande, egorosi. Zvino, pano, zvinhanho zvitatu zvembeu zvinotiratidza mufananidzo wechokwadi uyo wandinoda kuti titarise nemi mangwanani ano. Tiri kuzviona pano.

<sup>57</sup> Zvino nokuti handina kudzidza, ndinotora zvinhu zvapanyama zvandinooda, ndofananidzira nezvinhu zvapamweya zvandinene ndaziviswa, nokuti handikwanisi kuzviita kuti zvinzwisisike kwamuri namataurire api zvavo.

<sup>58</sup> Uye, zvakadaro, Mwari anogara achifananidzira zvepamweya nezvapanyama. Dai pakanga pasina Bhaibheri, ndingadai ndichingoziva kuti chiKristu ndechemazvirokawazvo,

nokuti nyika yose inotenderera pakufa, kuvigwa, nokumuka. Zvisikwa zvinoratidza rufu, kuvigwa, nokumuka.

<sup>59</sup> Tarisa muto uri mukati momuti, kuti unounza sei mashizha, uye michero, zvodonha; wodzokera muvhu nokuda kwechando, pasi pevhу; wodzoka mupfumvudza, noupenyu hutsva. Gore negore, huchipupura kuti kune upenyu, kune rufu, kune kumuka.

<sup>60</sup> Zuva rinobuda mangwanani, somwana mucheche achangozvarwa, asina simba. Nenguva dza seven o'clock kana dza eight o'clock, anotanga kuenda kuchikoro. Nenguva dza ten o'clock kana eleven o'clock, rinobuda mukoreji. Rava kupenya musimba raro, kubva nenguva dzakaita sa eleven o'clock kusvika nguva dza three o'clock masikati, zvino rotanga kupera simba. Kumanneru rinodoka, rinopera simba, harahwa. Ndiwo magumo aro here, rinfofa? Kwete. Rinobuda zvakare mangwanani anotevera. Maona?

<sup>61</sup> Zvisikwa zvose, Bhaibheri rako rechokwadi rinopupurirana neBhaibheri iri! Zvino ndizvo zvandiri kuedza kukuratidzai mangwanani ano, kuti kubudikidza nomuzvisikwa munoono Shoko raMwari, zvichienderana ne—neShoko raMwari, nokuti zvisikwa kuita kwaMwari.

<sup>62</sup> Sesainzi, vakaona mashandiro nemiraиро yamararamiro ezvisikwa, asi havazivi kuti zvisikwa izvi chii. Havazivi Upenyu hwezvisikwa. NdiMwari. Nokudaro, hurongwa pasina simba rinomutsa hazvibatsiri.

<sup>63</sup> Zvino, gunde, muchekechera, nechikwande, cherechedzai. Hagari pano anomiririra gunde, hunova upenyu hwakatanga muvimbiso. Sara anomiririra muchekechera, kana mukume, unouya mumuchekechera. Maria, mhandara, anomiririra uye akabereka Mbeu yapamweya yechokwadi, kuunza gunde chairo rechokwadi. Hagari naSara, vose vakaziita nokusangana nomurume. Asi Maria, mhandara, akazviita nesimba reShoko rakavimbiswa naMwari, ndokubereka ari mhandara. Akaunza Mbeu chaiyo. Gunde, Hagari, mukadzi wechipiri, nokupokana vimbiso, vachishanda nokupokana, zvishoma.

<sup>64</sup> Ndinongovimba, dai Mwari atibatsira. Handi...Ndinoda kuti muone izvi, zvakanyanya. Haugoni kupokana zvishoma chimwe chaZvo. Unofanira kuChitora sezvaChiri. Hazvidi dudziro. Bhaibheri rinotaura kuti, "Shoko raMwari harisi redudziro yapakavanda." Mwari haadi chimwe chezvikoro zvedu kuti chidudzire Shoko raKe. Kana Arisimbisa Achiita kuti Rirarame, ndiko kududzirwa kwaRo. Mwari paakati, "Ngakuve nechiedza," kwakava nechiedza. Izvi hazvidi kududzirwa. PaAkati, "Mhandara ichava nemimba," yakava nemimba. Hazvidi kududzirwa.

<sup>65</sup> Hatidi zvose izvi, zvikoro zvebhaibheri nezvimwe zvinobata vanhu, "Voti, *tine* dudziro. *Tine* dudziro."

<sup>66</sup> Mwari pachaKe anodudzira Shoko raKe Oga. Haadi kuti mumwe munhu aMududzire. Akati, “Zvichaitika,” izvo zvinoitika. Akati, “Mumazuva okupedzisira, Achazodurura Mweya waKe,” Akazviita. Handina basa kuti masangano akati chii. Akazviita, zvakadaro, nokuti Akati Achazviita. Nokudaro, haRidi dudziro, nokuti Mwari anoita kududzira kwaKe Oga.

<sup>67</sup> Uye zvinhu izvi zvamunoona, zvinoita sezvisinganzwisisiki kwamuri zvino. Kana mukagona, mungarangarira; shumiro yenu, imi maPentecosti, kareko makore makumi matatu kana mana apfura, zvakanga zvakangovanzika ku—kuchechi yeMethodist neBaptisti, seZvizvi kwamuriwo nhasi. Asi zvino Zvitsvakei muShoko. Ndiri kuedza kukuratidzai sokuedza kwamaiita kuvaratidza. Zvino kana Mwari akatendeuka akati Izvi ndizvo, muShoko, uye oZvisimbisa kuti ndizvo, ndiyo dudziro yaMwari pachaKe. Haudi mumwe munhu kuti akududzirire.

<sup>68</sup> Zvino, Hagari, nokungoti “zvishomanana”! Rangarirai, hamugoni kubvisa Shoko rimwe kubva Umo. Uye Jesu akataura, muna Zvakazarurwa, pakupera kweBhuku. Napakutanga kweBhuku, Kristu akati, “Munhu upi noupi anobvisa Chikamu chimwe kubva paShoko iri!” Shoko rimwe rakatadza kududzirwa, rakakonzerza hurwere hwose, rufu, rwose rwatakambowana. Zvakakanaka, kana Mwari, Anova mutsvene, akatarisa pasi; uye zvikakonzera nyonganyonga yose iyi kubva pakungotadza zvishoma kunyatsodudzira Shoko rimwe, nechinhu chidiki chipi zvachochakapesana neShoko guru iri chakakonzerza nyonganyonga yose iyi; nokutambudzika, kujua ropa nokufa kweMwanakomana waKe Amene, kuyananisa chinhu chakashata ichi kwaAri; ko tingagopinda sei kunze kwekunge tatochengeta Shoko rose?

<sup>69</sup> “Zvakakanaka,” munoti, “Hama Branham, izvo zvaiva zvomuna Genesisi.” Ndazvinzwa, maona.

<sup>70</sup> Asi regai ndikuudzei, Zvakazarurwa, ndicho chikamu chokupedzisira cheBhuku. “Ani nani achatora Shoko rimwe kubva muBhuku rechiporofita ichi, kana kuwedzera shoko rimwe kwaRiri, chikamu chake chichatorwa kubva muBhuku roUpenyu.”

<sup>71</sup> Jesu akadaro, pakati peBhuku! Hezvo zvapupu zvenyu zvitatu zvakare: Genesi, Testamende Itsva, nanhasi. Jesu akati, “Munhu haararami nechingwa bedzi, asi neShoko rimwe nerimwe rinobva mumuromo waMwari.”

“Zvakakanaka, Akanga asingarevi izvozvo.”

<sup>72</sup> Aitaura kuvanhu vakanga vari vadzidzi vebhaibheri, kuvakuru-vakuru. Vaprasisita ava, sekuru-wasekuru-wasekuru-wasekuru-wasekuru wavo vaifanira kunge vari vaprisita. Kukanganisa Shoko rimwe raRo, kudarireizve, chaiva chirango chorufu zvachose. Vaifanira kutakwa namabwe,

nokuti vasiya Shoko rimwe. Asi vaiva nedudziro isiri iyo pariRi. Nokudaro apo Shoko pachaRo; Mwari paakavimbisa kutumira Mhesiya, akaRitumira nenzira yaAkavimbisa kuti Richauya nayo muzviputiro zvamajoki, vaiva nenzira yakasiyana yokuRiputira.

<sup>73</sup> Regai nditaure izvi. Ndizvo zvazviri nhasi, kuti havaZvioni! Harisi muzviputiro zvamasangano kana zvepfungwa. Rakaputirwa musimba pamwe nerumuko, uye nokuratidzwa kwaKristu akamuka, nzira yaRakavimbisa naMwari, kwete kuputirwa kwaRo nepfungwa dzavanhu.

<sup>74</sup> Zvino, Hagari, nokupesana kuduku-duku, kubudikidza nomumudzimai, kwete nomuna Abrahama zvino. Abrahama akanga asingadi kuzviita, asi Mwari akamurega achizviita nokuti iye... Zvimwe chete, Akarega Bharamu achienda. Zvino cherechedzai, nokupesana kuduku naRo, akabereka Ishmaeri, aiva munhu mupengo, haana kumbokundwa. Airarama nowuta hwake. Aiva munhu mupengo. Achakadaro, nanhasi.

<sup>75</sup> Zvino Sara, muchekechera, kana kuti mukume, Sara, mukadzi chaiye wevimbiso, akabereka munhu akapfava, maari ndokubereka rudzi rwakavimbisa.

<sup>76</sup> Zvino, asi, Maria, pasina kusangana nomurume, asi nevimbiso, saAbrahama akapiwa vimbiso naMwari, Shoko raMwari, asi akatenda vimbiso, "Tarira murandakadzi waShe," maona, haana kubereka gunde, asi Mbeu yapakutanga, nokuti ndiYe akanga ari Shoko rakanendwa naAbrahama uye rakanendwa naMaria.

<sup>77</sup> Zvino, Maria akanga asiri Mbeu, aingova chikwande chaibereka Mbeu. Vamwe vaviri ava vaiva vatakuri voupenyu, hwembue yapanyama chete. Maria akanga asiri Mbeu, pachake; asi nokutenda Shoko raMwari, akabereka mufananidzo chaiwo weShoko, nokuti Aiva Shoko. Asi sechikwande, che... chegorosi, tsanga yegorosi, chikwande chinotakura gorosi mukati macho nokuichengetedza kusvikira yava kugona kana kuti yakura zvokuzviraramira yoga. Maona? Zvino, iMbeu pachaYo yakabva pamudzimai. Sezvakaita, Mbeu yaiva muchibereko chake, mudzimai akanga asiri Mbeu. Haana kugadzira Mbeu. Mwari ndiye Mbeu.

<sup>78</sup> Zvino, ropa zvino, vanhu vazhinji vanofunga kuti takaponeswa neropa rechiJudha. Uye vamwe vavo vanoti, "Zvakanaka, tine mvumo sezvatiri vaHedheni, nokuti Rakabhi chipfeve na—naRute muMoabhi, navakadaro, vaiva maHedheni." Hauna mvumo yazvo zvachose, kana nomumwe wavo. Akanga asiri muJudha kana muHedheni.

<sup>79</sup> Aiva Mwari, Mutumbi weChiedza weShoko, Shoko rakabva kuna Mwari. Zvino, paRakatanga kufungatira nyika, Rakasika upenyu hwomumvura. Zvino Mweya waMwari, Mutumbi weChiedza weShoko, Shoko, iro Mwari akati,

“Ngakuve,” zvino kwakabuda Mutumbi weChiedza weShoko, unova Shoko. Zvino Shoko rakananga ku...nokuti zvose izvi zvaiva muMutumbi weChiedza weShoko; Shoko rose raMwari, Bhaibheri rose, kuzvizvarwa zvose. Uye apo Mutumbi weChiedza weShoko wakananga kufemera pamusoro penyika, zvakaunza upenyu hwezvomumvura; uye zvichikwira, upenyu hweshiri, kusvikira kuupenyu hwemhuka. Kwokupedzisira kwakauya chinhu chinomirira, kana chakafanana naiye wakachisika, wakachifemera mwuya, Mwari, munhu ari mumufananidzo chaiwo waMwari.

<sup>80</sup> Munhu uyu akawa, sembeu inofanira kuwa. Zvino Mwari akatanga kumufungatira, mushure mokuwa. Akaunza E—Enoki, Akaunza Eriya, Akaunza Mosesi, Akaunza muporofita mushure momuporofita, achiedza kudzoreredza mufananidzo iwoyo zvakare. Uye, pakupedzisira, panyika pakazouya mufananidzo chaiwo waMwari pachaKe zvakare, waiva Mwari, Mutumbi weChiedza weShoko wakaitwa nyama ukagara pakati pedu.

<sup>81</sup> Zvino Mutumbi weChiedza weShoko mumwe chete iwoyo une chikamu, Ane Mwenga, uye Mutumbi weChiedza weShoko mumwe chete, Shoko iri risingagoni kutambwa naro, riri kufamba pamusoro pamachechi nhasi, mukuedza kudzosa Shoko kuti risvike pakuratidzwa kwaRo kuzere. Uko, va—vaporofita vainingova vatakuri veMbeu iyi, nechechi dzamasangano dzanga dziri vatakuri veMbeu zvino. Zvino cherechedzai, tichikurumidza, asi sechikwande chinoputira, chinotakura machiri Mbeu zvino, chinozomusiya.

<sup>82</sup> Jesu akanga ari Mwari. Ndizvo zvaiva. Baba vaKe vakanga vari Mutumbi weChiedza weShoko mukuru pachaWo. Uye Akanga asingakwanisi kuRidurura rose muna Mosesi, nokuti waiva muporofita.

<sup>83</sup> Zvino Shoko raMwari nguva dzose, haritombokundiki, rinoya kumuporofita. Hapana nzvimbo, hapana nguva, muBhaibheri, kana kubva munguva yeBhaibheri, apo kududzirwa kweShoko kwakakwana kwakauya kumudzidzi webhaibheri. Hazvimo muMagwaro. VaFarise havana, vaSadhuse havana, naMwari haana kumbomutsa muporofita kubva pakati pavo, uye haAna kudaro mumazuva ano okupedzisira.

<sup>84</sup> Pavanongozviita, zvose vanouya pamwe chete voita sangano kubva mazviri, ipapo ndopazvinofa. Asi pane chikonzero chokuti Aite izvi. Tichaedza kuzvitsanangura, Mwari achitibatsira. Cherechedzai, onai pano kuti yave pedyo zvakadini iye mudzimai, chechi, mbeu zvino, inosvika pakufananana neMbeu paChayo.

<sup>85</sup> Zvino cherechedzai, mbeu painoenda muvhu, imbeu yapakutanga. Kana yabuda, inounza upenyu. Asi upenyu hunoitei kubva mumbeu yegorosi? Haibudisi gunde rimwe chete

regorosi pakarepo, kana tsanga imwe chete yegorosi. Upenyu hwegerosi, asi huchiri muchinhanho chokutakurwa. Zvino uku ndiko kwaiva kuvandudzwa kwokutanga, apo Ruther akabuda kubva murima renyonganyonga. Yaifanira kuti ife.

<sup>86</sup> Kazhinji, vanhu vanonzwira tsitsi. O, zvino ndakaverenga bhuku nguva diki yapfuura, pamusoro, pa*Mwari Akanyarara*, rakanyorwa nevenjere vamazuva ano vanoedza kukubvisai pana Mwari. Kana usingazivi Shoko raMwari nohurongwa hwaMwari, unokwanisa kuchimbidzika wazunguzwa. Asi kana ukaona zano raMwari, hurongwa hwaKe, zvino nokutenda unoziwa kuti ndiMwari; Mwari achizvizivisa pachaKe, achiita zvaAkaita mu—mune dzimwe nguva, achifamba, achisimbisa.

<sup>87</sup> Ndicho chikonzero Mosesi asina kugona kuzunguzwa. Akataura akatarisana naMwari, Mwari akamuudza kuti, “Ndini Mumwe akanga ana Abrahama shure uko. Ndini Mumwe akapa vimbiso iyi. Ndichava newe.” Ungagona kumisa munhu uyu sei?

<sup>88</sup> Somuporofita wakare akati, “Kana shumba yadzvova, ndiani angarega kutya? Uye Mwari ataura, ndiani angarega kuporofita?” Kana tichiona zvinhu izvo Mwari akavimbisa munguva ino, kuzviona zvichibhedhenuka, mungagomira sei kana muchiona kuti iyi inzira yaKe? ZvaAkataura, zvichaitika. Muchiona zvinhu zvose izvi zvinganzwisisike, asika ndiyo nzira Mwari yaakataura kuti zvichaitika nayo.

<sup>89</sup> Zvino cherechedzai, “mudzimai,” mutakuri. Zvino, Hagari akauya sedzinde, zvino ndokuzotevera mukume, ndokuzotevera chikwande, zvino kwozotevera Mbeu. Zvino tarirai vatakuri ava, ndinoda kuti mutarire, kutanga.

<sup>90</sup> Zvino, dzinde haritaridziki zvachose seMbeu, asi Upenyu hwaiva muMbeu huri mudzinde. Waiva Ruther. Zvino, dzinde duku rina mashizha akawanda; zvakabva kuna Ruther, ndokuenda kuna Zwingli, ndokudzika kuna Calvin navamwe vakawanda.

<sup>91</sup> Zvino cherechedzai, ipapo, zvakashandura chimiro chazvo. Tarirai zvakasikwa zvichienderana neShoko raMwari, sezuba; rufu, kuvigwa, nokumuka. Zvino ndokuzouya mukume, aiva Wesley. Uye nomuna izvozvo mikume midiki yakawanda yaiva yakarembera pazviri, waitaridzika seMbeu zvakanyanya kudarika zvakaita mashizha, pagorosi kana pachibage. Yaitaridzika zvakanyanya saizvozvo; nokuti, Wesley neShoko rechipiri, Shoko rechipiri raMwari, achiunza chechi yaKe, kuuya nemukucheneswa. Ndiyo yaiva mharidzo yake. Zvakanaka.

<sup>92</sup> Zvino, mushure makanguva, zvakadzika zvikabva zvaenda mudzinde zvakare, zvikaunza hura hwegerosi. Asi hura uhwu husati hwtangana, pakava nokuzunguzwa, gwande, rinofukidza, goko. Uye murimi wose wegrosi, murimi wechibage, kana ukazaruramo nokutora hura hwechibage kana hura hwegerosi, ungafunga kuti kanhu kaduku-iko kaduku

kanhu kokutanga aka itsanga yegorosi. Asi, zvino, ndicho chizvarwa chePentekosti. Zvino haukwanisi, iwe, mudzidzi webhaibheri upi zvake kana . . .

<sup>93</sup> Mudzidzi wenhorondo upi zvake, ndingadaro, anoziva kuti ndizvo zvizvarwa, zvakauya nenzira iyi. Torai bhu—Bhuku reZvakazarurwa, mugotora mazera ekereke, muone kuti haisiri iyo nzira yazvakabhedhenuka nayo here.

<sup>94</sup> Zvino, kubva muna Whisiri kwakabuda Pilgrim Holiness, maNazarene, nawose masangano ohutsvene, zvachiti swederei pedyo neShoko kudarika kuvandudzwa kwamaRutheran. Asi, munoono, Ruther paakatanga sangano, zvakangotanga mashizha aya. Zvino izvi pazvakatanga, Mweya wese wakabuda muchechi yechiRutheran, yangova sangano, uye vatendi chaivo vechokwadi vakaenda mukucheneswa.

<sup>95</sup> Zvino apo kucheneswa pakwakaenda mberi, vePilgrim Holiness, navamwe, naose masangano ohutsvene, veNazarene, navamwe, Yakabva ipapo, ikaenda muchizvarwa ichi chePentekosti. Zvino tarisa patsanga duku iyi, yegorosi, yava kutaridzika zvakanyanya setsanga yegorosi yepakutanga, iyo yakaenda muvhу, kudarika zvinoita dzinde kana muchekechera. Asi kana ukagara pasi, woiisa muchioniso chegirazi, uye wovhura makwande maduku aya, anongotakura chete. Iro gorosi harisati ratanga. Kanenge kari kabukira nechekumashure, kana washandisa chioniso chegirazi chine simba unokwanisa kuona chinhу chidiki, chakaita sekumuromo kwetsono, ndipo panouya mbeu. Uye chikwande chinotaridzika sembeu yechokwadi chaiyo, hachisi chinhу chechokwadi. Inongova mimba.

<sup>96</sup> Semimba yaMaria. Maria akanga asiri Mbeu, mukufananidzira pano kwedzinde. Aingova mutakuri waYo chete, savamwe vose. Asi somunhu wakadanwa nokutosarudzwa kutanga, naMwari pachaKe, nokuda kwechikonzero ichi, zvinotaridzika sokufunga kweshamwari dzedu dzechiKatorike, kuti akanga ari amai vaMwari. Kwete, akanga asiri amai vaMwari, kana Mbeu yaMwari.

<sup>97</sup> Mudzimai anobereka zai. Mwari anounza hu—upenyu. Chizenga, ropa, riri mumurume.

<sup>98</sup> Huku inogona kukandira zai kana shiri inogona kukandira zai, munguva yepfupfunza inovaka dendere rayo, asi, kana shiri hadzi iyi isina kusangana nerume, zai harichochonyi. Rakafa. Rinoorerera mudendere imomo.

<sup>99</sup> Sezvandinosigarota, kuti ndiro dambudziko ramachechi nhasi, ari kuorera mumatendere, anonzi Methodisti, Baptist, Pentekosti, namamwe. Kana vasina kubatana neShoko, paCharo, vanoorera mumatendere imomo, mumasangano avo.

<sup>100</sup> Zvino, zvino vamwe vavo vanoti, maProtestant vanengе vanotenda kuti Maria ndiye akabereka zai. Kana zvakadaro,

tarisai kuti munoita Jehovha Mwari kuti aitei. Zai harikwanisi kuberekwa pasina kutekenyedzwa.

<sup>101</sup> Nokudaro, maona, Mwari akaita zvose zai nembeu, Akazvisika zvose mumimba yaMaria. Zvino Murume uyu hapana chimwe chaaiva kunze kwaMwari pachaKe aitwa nyama ndokugara pakati pedu, Emanueri, kwete munhu akangonaka, muporofita; Akanga ari Munhu akanaka uye Muporofita; kwete mudzidzisi, kana mudzidzi webhaibheri. O, Anogona—Anogona kunge akange ari zvose izvi; Akange ari zvose muna zvose. Asi pamusoro pazvose izvi, Aiva Mwari pachaKe. Bhaibheri rakati, “Takaponeswa neRopa raMwari.” Mwari pachaKe, kwete munhu wechitatu kana wechipiri. Munhu wacho, Mwari pachaKe, Jehovha mukuru, akafukidza Maria; uye Musiki, akasika zvose chizenga cheropa, upenyu, nezai zvakare.

<sup>102</sup> Kana ukagona kuti muJudha aone izvi, iwe, anobva aziva kuti Mhesiya ndiani. John Ryan paakapodzwa uko kuBenton Harbor, akanga ari bofu kwamakore makumi mana. Rabhi uya akandivhunza, akati, ndakava nenguva yekutaura naye, akati, “Hamungadimburi Mwari kumuita zvidimbu zvitatu mogoMupa kumuJudha.”

<sup>103</sup> Ndikati, “Vamwe vavo vanodaro. Asi isu hatidimbuli Mwari kumuita zvidimbu zvitatu.” Ndikati, “Unotenda vaporofita here?”

“Zvirokwazvo, ndinotenda vaporofita,” akadaro.

<sup>104</sup> Ndakati, “Ndiani aitaurwa nezvake naIsaya, Isaya 9:6, ‘kwatiri Mwana azvarwa?’”

Akati, “Ko, ndiMhesiya.”

<sup>105</sup> Ndakati, “Hukama hworudzii hunenge huri pakati paMhesiya naMwari?” Ndakabva ndazvipedza. Ndakati zvino . . .

Akati, “Anenge ari Mwari.”

<sup>106</sup> Ndikati, “Ndizvo chaizvo. ‘Zita raKe richanzi Gurukota, Muchinda woRugare, Mwari saMasimba, Baba voKusingaperi.’”

<sup>107</sup> Ipapo ndipo pakapotsa venumwechete, ndipo pakapotsa vanotenda vamwari vatatu, mativi ose enzira. Asi chokwadi chemaenzanise anopa mufaro chiru pakati. Kana Mwari akagona kuva Baba vaKe Amene, kana Jesu akagona kuva Baba vaKe Amene, hazvikwanisiki kuti Adaro. Uye kana Akanga aina vamwe Baba vasiri Mwari, uye Bhaibheri rakati “Mweya Mutsvene” wakanga uri Baba vaKe, uye kana iri mweya miviri yakasiyana, Aiva mwana wohupombwe. Ndizvozvo. Ndiani aiva Baba vaKe, Mwari kana Mweya Mutsvene? Woti ndomumumwe wavo zvino ona kuti unozyonyara sei. Mwari ndiye aiva Baba vaKe. Ndizvozvo here? [Ungano inoti, “Ameni.”—Mupepeti.]

<sup>108</sup> Mateo 1:18, Akadaro.

*Zvino kuberekwa kwaJesu Kristu kwaiva kudai:  
Apo... Maria mai vake wakati anyengwa naJosefa,  
vasati vasongana, wakavonekwa ava nemimba  
yoMweya Mutsvene.*

<sup>109</sup> Zvino Baba vaKe ndiAni? Munoono, munoono zvandiri kureva? Cherechedzai.

*...Josefa murume wake, zvaakanga ari munhu  
wakarurama... asingadi kumunyadzisa, wakafunga  
kumurega chinyararire, nokuda kwaizvozvo.*

*Tarira, wakati achiranganira izvozvo,... mutumwa  
waShe akazviratidza kwaari mukurota, akati,  
Josefa, mwanakomana waDhavidhi, usatya  
kuzvitorera... kutora Maria mukadzi wako: nokuti  
chakagamuchidzwa mukati make ndecho... [Ungano  
inoti, “... Mweya Mutsvene.”—Mupepeti.]*

<sup>110</sup> Ndafunga kuti vanoti, “Mwari Baba ndivo vaiva Baba  
vaKe”? O, vadzidzi vebhaibheri, kunzwisisa kwenyu kuri kupi?

Cherechedzai, “Kuchava neChiedza panguvu dzamanheru!”

<sup>111</sup> Mbeu yechokwadi yakabva kuna Maria, asi yakanga isiri  
Mbeu yake. Yakanga iri vimbisyo yaMwari, iyo yaakati, “Tarirai  
murandakadzi waShe.” Vatakuri voupenyu vaiva madzimai.  
Zvino, Maria, Mbeu yakanga yava pedyo.

<sup>112</sup> Hagari akaigamuchira nenzira isiri iyo. Sara, achipokana  
izvi, akaibereka iri mbeu yapanyama, yokusangana nomurume.  
Asi Maria, pasina kusangana nomurume zvachose, akatenda  
Shoko, uye Shoko rikaitwa nyama.

<sup>113</sup> Asi cherechedzai, Maria ari pedyo saizvozvo, akatakura  
Mbeu iyi mumimba yake, uye yakataridzika sokunge yaiva Mbeu  
yake. Uye ndizvo zvakaita maPentecosti. Ndiri kuswedera pane  
nyaya yacho. Asi rangarirai, Jesu akati, muna Mateo chitsauko  
24, ndima 24, “Namazuva okupedzisira, mwuya miviri...”  
Kwete mazuva okutanga, iko zvino. “Namazuva okupedzisira,  
mwuya miviri iyi ichange yakafanana zvokuti yainyengera  
vasanangurwa chaivo dai zvaigona.” Mweya wechiPentekosti,  
wakaita sechinhu chaicho, wakakwana zvokuti waikwanisa  
kunyengera vasanangurwa dai zvaibvira.

<sup>114</sup> Zvino, aya haasi mashoko angu. Ndizvo zvaAkatura. Zvino,  
mushure mechinguva, zvichida muchanzwisia zvandiri kuedza  
kutura. Zvino Mbeu iyi zvirokwazvo yaitaridzika sokunge...

<sup>115</sup> Gwande iri raitaridzika zvakanyanya seMbeu, kusvikira  
rakatodarika mukume, rakatodarika gunde, asi zvaingova  
zvitakuri zveMbeu. Maona, Ruther akaita sangano, gunde  
rikafa; Whisiri akaita sangano, mukume ukafa; Pentekosti  
yakaita sangano, upenyu hukafa. Zvino Mbeu youya. Hakuna  
chimwe kupfuura Mbeu.

<sup>116</sup> Cherechedzai, mukufamba kwemakore, pakamuka kufamba kwesimba kukuru, pasina nguva mushure macho munotevera sangano. Rumutsiriro runogara kwamakore anenge matatu ndiko kureba kwenguva yorumutsiriro, zvino vanobva vaita sangano, vogadzira sangano. Anobuda mazhinji kubva parumutsiriro urwu; savazhinji vakabva pana Ruther, tsuri; uye vazhinji vakabva pamukume, Whisiri; nemashizha ePentecosti pachibuda, oneness, twoness, threeness, fourness, fiveness. O, tinzwirei tsitsi! Maona?

<sup>117</sup> Asi, cherechedzai, makore makumi maviri okuratidza kwaJesu Kristu! Hapana kana sangano rimwe rakambomuka, uye hakuna richamuka; richafa sokufa kwakaita rwose rumutsiriro rwemvura yokupedzisira, nezvimwe zvose. Ino inguva yokupedzisira, Mbeu, uye haizogari nhaka nemakwande, saIshmaeri asina kugara nhaka naIsaka.

<sup>118</sup> Onai pano zvino kuti yave pedyo zvakadini, pedyo zvekutogona kunyengera. Ruther, gunde; Whisiri, muchekechera; naMaria, chikwande, kana kuti mimba, kana Pentekosti. Ndinogona kuenderera mberi ndichitaura zvechikwande ichi, ndichikuratidzai. Tichidzika nechizvarwa, hazvina kumboda kufanana chaizvo sezvazviri nhasi. Zvinhu zvose ichechi, *chechi*, maona, “mudzimai.”

<sup>119</sup> Uye cherechedzai, akanga ari “mudzimai,” pakutanga, akapokana vimbiso yokutanga. Haasi Mwari akadzivisa Shoko raKe. Mwari haasi kutora Shoko raKe nhasi; Ari kusimbisa Shoko raKe rapakutanga! Asi Sara akati, “Pamwe, zvichida; takamirira.”

<sup>120</sup> Ndiro dambudziko pavantu nhasi, uri kuedza kukwira uchipinda mune chimwe chinhu chausingazivi kuti chii. Unozviita sei iwe kunze kwekunge uchitoziva kuti uri kuitei? Uri kufamba wakapofomadzwa here? Uchiedza kukwira uchipinda mune chimwe chinhu chausingazivi kuti chii, unodonha. “Kana bofu rikatungamirira bofu, vose vari vaviri vanowira mugomba,” Jesu wakareva chitaurwa ichi.

<sup>121</sup> Asi zvino tasvika panguva yeMbeu. Zvino Mbeu inotakura, (chii?) inotsigira, kubata pamwe neMbeu yakaItakura. Yakaiswa ipapo nokuda kwechikonzero ichocho, chokubata.

<sup>122</sup> Nokuti, sokuuya kunoita zuva pakutanga kwepfumvudza, pagorosi, tarirai zvisikwa zvose zvichifambiranu nemwaka yegore, kufambiranu nezuva, zvinhu zvose zvinofambiranu zvakanaka, naMwari. Zvino kana zuva rinodziya ratanga kupenya pambeu, inobuda. Asi nyika inofanira kuva iri mumamiriro ekuti iite kuti Mbeu iyi imere kubva muvhui. Inofanirwa kuva nemamiriro aya, uye igopinda mune chimwe chimiro kuti mbeu iyi imere. Yaitofanira kudaro, kuti iibudise mu... muzera rerima.

<sup>123</sup> Vamwe vanhu, mushoropodzi uyu wandati akanyora bhuku, *Mwari Akanyarara*, akati, “Nenumazera ose erima, vatsvene ava vaifira chitendero chavo, vakauraiwa, maKristu aya, uye Mwari akagara Kudenga Achiita seasina hanya nazvo.” Ko, murume asina kudzidza, bofu, bofu pamweya, dai maziso ake akasvinudzwa! Hauzivi here kuti mbeu inofanira kupinda muvhu, kuti ife nokuora, isati yamera zvakare?

<sup>124</sup> Zvino chechi yepentekosti yakafa, mumazuva okutanga kwechechi yeKatorike. Uye yakatanga ine chimiro chedzinde, asi muri kuona kuumbwa kwairi kuitwa ichiswedera, pane imwe neimwe, nomuchizvarwa chaRuther, Whisiri, Pentecosti? Manzwisia here? [Ungano inoti, “Ameni.”—Mupepeti.]

<sup>125</sup> Zvino Inofanira kudzokera kushumiro yepakutanga yaAkanga anayo pano panyika, nokuti Mwenga. Vava chinhu chimwe chete. Zvino Akavimbisa, namazuva okupedzisira, kuti zvinhu izvi zvichaitika sei. Zvino tiri kuona zvichiitika, sevimbiso dzose, Maraki 4, Mutsvene Ruka 17:30. O, namamwe Magwaro mazhinji, haangaperi!

<sup>126</sup> Uye, o, ndava kufanira kumira, nokuti nguva yapera. Hongu. Zvakanaka, mu—muvaudze, onai kana vakagona kuwana... Vabvunzei, maona, uye mozouya monditaurira. Zvino, kwekanguva. Ndinoda kutaura izvi, zvakanyanya, maona. Ndi—ndinoda kuti muone izvi, zvikuru. Tarisai, Jesu... Cherechedzai, muone, Mwenga.

<sup>127</sup> Zvakadaro, tinoona kuti, muchizvarwa chino chatiri kurarama, onai, kuti mimba, sangano rePentekosti, raitaridzika chaizvo sechinhu chaicho chechokwadi. Asi munona here kuti, Zvakazarurwa 17, yakati chechi yeRoma Katorike, sangano rokutanga, “imhombwe”? Vangani vanoziva kuti ichi ichokwadi? Vangani vanoziva kuti ndivo mai vezvipfeve? Mukadzi anopfeva chii? Zvino, Akati mukadzi uyu “ichechi.” Ko mhombwe chii? Mukadzi asina kutendeka kumhiko dzomuchato wake. Ko chipfeve chii? Chinhu chimwe chete, ishoko rimwe chete.

<sup>128</sup> Zvino, akabereka. Kubereka chii? Kwete kubereka Shoko, asi kubereka sangano. Pano pana maMethodisti, Baptist, nePentecosti, uye vose vakatora tsika dzamai vavo. Mukadzi kunyangwe zvake akaipa pahunhu muCalifornia muno anogona kubereka mhandara; uye ndicho chikonzero mharidzo yokutanga yakauya, asi chokwadi pachakapiwa kuchizvarwa chaRuther, chokucheneswa, akatadza kuzvigamuchira. Kubhabhatidzwa noMweya Mutsvene pakwakatenderwa, pakwakapihwu kumaMethodist, vakatadza kuzvigamuchira. Zvino panguva yeMbeu yakabereka pentecosti, havakwanisi kuZvigamuchira. Vakaita sangano. Asi anga ari mutakuri weMbeu, maona.

<sup>129</sup> [Hama inotaura nendimi. Hapana chinonzwika patepi—Mupepeti.] Ameni. Zvino tendai Mwari nokuda kwaro, Shoko, hunyoro hweShoko rataurwa.

<sup>130</sup> Maona, zviri nyore, seizvi, sokungoona chibage chichikura. Haufanire kuva nedudziro huru yavadzidzi vebhaibheri pazviri. Ingozvitarira chete. Uri...Akakukomberedza, nguva yose. Waona, ichi...ichi chi...

<sup>131</sup> Ndinofanira kuchimira. Ndanzwa kakudhonza, uye ndamukumbira kuti adaro. Tinofanira kuchivhara. Zvino, hama, ndichataura izvi chete, ndobva ndaenda.

<sup>132</sup> Tarisai, zvino. Chikwande, dzinde, nezvimbewo, zvinongotakura Shoko. Vaiva nechikamu cheShoko, maona, kusvikira pavakawana; kururamiswa, kucheneswa, kudzoreredza kwezvipo mu—mumaPentecosti. Asi zvino cherechedzai. Sezvazvakanga zviri naIshmaeri, naIsaka, maona, uyezve kuna Jesu; maona, mumwe aiva akatsveyama, mumwe ari wepamavambo, hezvino panozouya Mbeu paChayo. Maona? Zvino, chechi yakabuda muchinhu chimwe chete, kudzokera kwakare. Seruva kana chinhu chipi zvakare, rinonwa, rosjeta, roenda...

<sup>133</sup> Hazvirevi kuti maRutheran akarasika. MaRutheran akaramba kucheneswa, ndivo vakarashika, vanoda kubatirira pane chimwe chinhu...Munoona, Israeri yaidya mana itsva husiku hwoga-hwoga, maona. Cherechedzai.

<sup>134</sup> Asi zvino panguva yokuguma, tarirai pachikwande chiripano, zvino cherechedzai, mugorosi. Chakavanzika chakakwana cho—choUpenyu chakaputirwa muchikwande. Tinozviona muna Ruther, zvichikwira. Tinozviona mumuchekechera, zvichibuda. Tinozviona mushanga. Touya apa, zvino zviri muchimiro chechikwande, kuda kufanana nezvazvaiva muchizvarwa chepentekosti, asi chakavanzika chaicho chakavanzwa mukati.

<sup>135</sup> Zvino rangarirai, tichitevera Zvakazarurwa, chakavanzika cheBhuku rose chakaputirwa nezviSimbis Zvinomwe, zvokuti vavandudzi habana kuwana mukana wokuzviunza, zvikamu zvina zvokuvandudza, zvikamu zvina zveZvipuka zvina zvakabuda kundosangana namasimba mana omunyika. Chokutanga chakabuda, chaiva...

<sup>136</sup> Chakatanga kubuda chaiva chii? Shumba, kundosangana nechizvarwa cheRoma. Ndiro raiva Shoko, rapakutanga. Iye ndiye Shumba yorudzi rwajJudha. Kristu pachaKe akaenda kundosangana nechizvarwa ichi. Ndeipi mhuka yakatevera iyo yakaenda kunosangana; mhuka yakatevera yakubuda, kundosangana nomumwe mutasvi webhiza, yaivei? Maona, mutasvi uyu webhiza wokutanga akanga akapfeka zvichena, aine korona mumusoro wake, mushure, zvichingodaro, asi aine uta usina museve.

<sup>137</sup> Cherechedzai bhiza rechipiri rakabuda, Chipuka chakabuda kundosangana naro yaiva nzombe. Nzombe imhuka yokupirisa. Vakaurairwa chitendero muchizvarwa cherima.

<sup>138</sup> Chipuka chetatu chakadosangana nebhiza raitevera, bhiza rorufu risati ratasva, rufu negehena, bhiza rakatevera rakaenda... Chipuka chaitevera chakaenda kundosangana nomutasvi webhiza wenguva iyoyo, chaiva Chipuka chine chiso chomunhu. Vangani vanoziva izvi? Chizvarwa chevanhu vepfungwa, vavandudzi, Ruther, Whisiri, Calvin, Knox, Finney, Moody. Maona?

<sup>139</sup> Asi zvino cherechedzai, chii chakabuda munguva dzamanheru? [Hama inoti, “Chapungu!”—Mupepeti.] Chapungu, chiporofita chakadzoka zvakare. Pachava neChiedza nenguva dzechapungu, nzira yokuenda muKubwinya zvirokwazvo muchaiwana, O Chechi yaMwari mupenyu!

<sup>140</sup> Ndinoshuva kuti dai ndikauya pano ndi—ndigogara pasi mamwe mangwanani, ndigoswera zuva rose, ndichiyanana nemi pazvinhu izvi. Teererai, munofunga kuti handikufarirei here? Ndinokudai, hama dzangu. Ndi—ndi—ndinoda kuenda kusangano rose uye ndova.... uye—uye ndigobvumirana nomumwe-nomumwe wavo. Asi, munoono, hazvigoneki. Hakuna mukova wakandizarukira.

<sup>141</sup> Ndiri kuenda pachivande kune imwe nyika iko zvino, nokuda kwemasangano, nokuti havabvumiri shumiro iyo Mwari... Ndakavanyorera tsamba ndichivapindura, ndikati, “Kwamakore gumi ndakaedza kuuya. Zvino imi norubhabhatidzo rwenyu rwakatsauka!”

<sup>142</sup> Mumwe wavo anotenda kuti, “Unofanira kubhabhatidza katatu; kamwe muna Baba, uye kamwe muMwanakomana, noMweya Mutsvene; chiso chakatarisa mberi.” Mumwe akati, “Kwete, unofanira kubhabhatidza katatu namanhede; kamwe muMwanakomana, kamwe muna Baba, noMweya Mutsvene.” Asi vose vakatsauka.

<sup>143</sup> Mumwe akati, “Iye, unobhabhatidza murufu rwaKe, uye Akawira mberi paAkafa. Tinobhabhatidzirwa kurufu rwaKe.” Mumwe akati, “Ndiani anoviga munhu akatarisa pasi? Unomuviga, akatarisa mudenga.” Zvisina maturo zvakadaro, zvichipatsanura vanhu, zvinoratidza kuti igodo. Zvinobva kuna Satani. Hazvisi zvaMwari.

<sup>144</sup> Pakati pamapoka ose maviri, Mwari haasi kune rimwe divi, asi Ari kudana kubva kumativi ose, “Budai kubva pakati pavo, muzvipatsanure,” ndizvo zvinotaura Mwari, “uye ndichakugamuchirai kwaNdiri.” Mwari akuropafadzei.



*MBEU HAINGAZOGARI NHAKA PAMWE CHETE NE MAKWANDE* SHO65-0429B  
(The Seed Shall Not Be Heir With The Shuck)

Mharidzo iyi neHama William Marrion Branham, yakaparidzwa kwokutanga neChirungu neChina mangwanani, 29 Kubvumbi, 1965, pakudya kwamangwanani kweFull Gospel Business Men's Fellowship International paBiltmore Hotel muLos Angeles, California, U.S.A., yakazotorwa kubva patepi yakarhekodwa ndokuzodhindhwa muChirungu pasina chakamurwa. Kuturikirwa uku muchiShona kwakazodhindhwa nokugoverwa neve Voice Of God Recordings.

SHONA

©2014 VGR, ALL RIGHTS RESERVED

VOICE OF GOD RECORDINGS, ZIMBABWE OFFICE  
8 ST. ANNES ROAD, AVONDALE, HARARE, ZIMBABWE

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Chiziviso chekodzero

Kodzero dzose dzakachengetedzwa. Bhuku iri rinokwanisa kudhindhwapi papirinda yekumba kuti ushandise uri iwe pachako kana kugovera kunze, usingatengesi, semudziyo wekuparatzira Evhangeri yaJesu Kristu. Bhuku iri harigoni kutengeswa, kudhindhwapi akawanda, kuiswa pawebhusaiti, kana kuwana mumuchina waringachengeterwa, kuturikirwa mune mimwe mitauro, kana kushandiswa kukumbira mari pasina mvumo yakanyorwa nevekuVoice Of God Recordings®.

Kuwana umwe umboo kana zvimbewo zviripo zvingawanikwa, tapota nyorerai:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)